


مجموعہ سنون

۱۸

جمعیت علمائے عثمانیہ



برنجی پتہ

ماہ محرم

نومبر ۱

اسٹانبول

جریدہ خانہ دہ طبع اولیٰ منشدر

۱۲۷۹

(ظهور تصویر افکار)

مجلس معارف اعضا سندن عزت و شناسی افندینک بر از وقت دنیو
 تنظیم و تهیه سیله اشتغال ایلدییکی غزته اشبو سنه هجریه ابتدا سنده
 (تصویر افکار) عنوانیله صفحه پیرای ظهور و منتظری اولان
 دلشنکان حوادث و اخباره باعث حظ موفور اولشدر. محررینک اهلیت
 و فطانتندن دخی مأمول اولدیغی وجهله غزته مذکورک حسن ترتیب
 و انسجامی شایان تحسین و ارباب همت و حجت طرفدارندن مظهر
 تشجیع و تشویق اولدیغی حالده ایلروده بر فائدها کسب وسعت
 و انتظام ایده چکی نزد عاجزانهمزده رهین رتبه علم البقیندر.
 غزته مذکور ایله اشبو مجموعه فنونک حدودی بر وقته تصادف
 ایلدیکی مثلاً و ایکبسی دخی ابنای وطنه بر خدمت عاجزان ابرازی
 نیت خیریه سندن متولد اولدیغی جهتله بشو حال بونلرک ایکی برادر
 توأم کی حسن امتزاج ایله مقصدلری اولان تربیه عامه حلقه
 یکدیگره معین و ظهور اوله جقلمینه بر کوزل فال عد اولنور.
 اشبو ایکی غزته ایله البوم در سعادتده ترکیه اوله رق اوقات معینده
 طبع و نشر اولمقده اولان غزته لک مقداری بش اولوب بونلرک اک
 اسکبسی رسمی اولان تقویم وقایعدر که والد کثیر المحامد جناب
 شهرباری جنمکان سلطان محمود خان غازی حضر تلرینک جله آثار
 محاسن نثارلندن اولق اوزره یک ایکینوز قرق یدی سنه سی جمادی
 الاولینک یکرمی بشنده هفته ده بر کره حقیقی اوزره تأسیس اولمشدر.
 اوائل ظهورنده حسن تحریر و تنظیمه اعتنا اولمغله امور داخلیه
 و خارجیه دأثر حوادث و مواد مفیده یی شامل اولدیغی حالده
 صکره لری

صکری لری یا لکز رسمی و بعض داخل و قوعاته منحصر اولوب اکثریا وقتنی دخی شاشردیغندن انظار عامده اولکی قدر اعتباری قالماش ایدی . فقط مؤخرأ نظارتی معارف نظارت جلیله سنه علاوه عطوفتو کمال افندی حاضر تلرینک عهدۀ استبھالنه احواله بیوردیغندن اولوقدنبرو خلیجہ کسب ترقی ایتیش و کتدجکہ دخی دول سائرہ رسمی غزنہ لری کبی شان سلطنت سنبه چسبان صورتده انتظامیندیر اولسی مأمول بولمشدیر .

ایکنجبسی جریدہ حوادث درکہ یک ایکیزوالی الی الی سنہ ہجریہ سنہ صدقای سلطنت سنبه دن انکیز موسو ویلیام چرچیل معرفتیلہ تأسیس اولمشدیر . بو دخی ہفتہ ده برکہ چبقارق اکریسی ممالک اجنبیہ متعلق مفید و اکنجہ لو حوادث انتخاب و تحریر ایلدیکندن و او ائشاده بو یولده بشقہ غزنہ دخی اولدیغندن خلقک کمال رغبتنی جلب ایلہ بر ایکی سنہ کلنجہ قدر بلامعارض و مزاحم یکہ تاز میدان تفر دوا شتہار اولشیدی . جریدہ حوادث بو وجهلہ ایشنی یولہ قویدیغندن اصلاح حال آرزوسی خاطر کزاری بیله دکل ایکن اکثر احوالده رقابت و غیرت منشأ فیض و رفعت اولدیغنی مثلاً ترجمان احوالک ظهورنی متعاقب اکا نسبت کندوسنہ مایہ تفوق و مزیت اولق نیتیلہ بوققیرک جریدہ کجانی ائسانسندہ ینہ ہفتہ جریدہ سی بردوام اولق اوزرہ هر کون بر پیراقدن عبارت اولهرق روزنامہ جریدہ حوادث اسمیلہ برورقہ چبقاروب مؤخرأ بوکا بر پیراق دها علاوہ ایلشدیر .

اوچنجبسی سالف الذکر ترجمان احوالدرکہ الیوم پوستہ مدیری بولنان عزتلو آکاہ افندینک اثر ہمتی اولهرق ایلک نومروسی یک

ایکیوز یتش یدی سنه سی ربیع الآخرک التپسنده چیقمشدر . ابتدای
 ظهورنده بش التی ماه قدر بیوک قطعده اولهرق هفته ده برکره و بعده
 کوچک اولهرق اوج دفعه چیقمغه باشمشدر . تبعه سلطنت سنیه دن
 الک اول ترکیه غزته احداثه موفق اولان افندی مومی الیه اولدیغندن
 الفضل للمقدم شرفنی حائر اولدیغنی جای اشکال دکلدر .
 در سعادتده برده (الجوائب) اسمنده عربی بر غزته واردر که
 مطبعه عامره عربی باش مصححی احمد فارس افندی نیک اثر یراعه
 باهر البراعه سی اولهرق یتش یدی سنه سی ذی القعه سنده نشرینه
 شروع قلمشدر . افندی مومی البهک علوم ادبیه کمال مهارتی
 و بعض السنه اجنبیه و قوفی جهتیه غزته مذکورک اسلوب
 ادبانه و طرز بلیغانه سی فوق الغایه شایان تقدیر و استحساندر . فقط
 در سعادتده اربابنک ندرتی و ممالک عربده غزته قدر و فائده سی هنوز
 کرکی کبی یلمدیکنندن خلقتک بوکا عدم رغبتی جهتیه وارداتی
 مصارفاته مقابل اولهمدیغندن افندی مومی الیه چند ماه مقدم
 ترک و الغاسنه مجبور اولهرق * اذا کان البالغ بغير حفظ * بدت حسنه
 الکبری معایب * لقد تربت یدی عن نیل طرس * اخطبه من الخطط
 الغرائب * نشیده سیله اظهار تأسف و تحسر ایلدیکی حالده ممالک
 محروسه شاهانه ده بو مثالو بر عربی غزته نک درجه و جوب و اهمیتی
 تقدیر ایدن بعض ذوات کرامک معاونت خیر خواهانلرینه مظهر
 اولهرق الی الان دوام ایلکده در .

چونکه اصل غزته بر واعظ کرسی نشین و خلق عالم انک مستمعینی
 مثابه سنده اولوب نقل و ایراد ایلدیکی مواد حقنه کندو افکار
 و مطالعانی علاوه و بیان و وقوعات سابقه دن حالات استقبالیه استدلال

ایله عامهیه موجب عبرت و انتباه اوله جق نصایح و اخطارات ذکر و اتیان ایلدیکندن اگرچه شمدیلک سالف الذکر در سعادت غزتهلندن هیچ بریسی بو وظیفه یی ایفا ایتموب بالکز مسوع و مشهودلری اولان حوادث کونیه یی نقل و روایت ایله اکتفا ایتمکده ایسه لده * اذارأیت من الهلال بدوه * ایقت انه سبصیر بدراً کاملاً * مفهومی اوزره محسنات عصریه حضرت پادشاه بدن اوله رقی بالکز ترکیه غزتهلک مدت قلیله ظرفنده بو قدر تصدد و تنوعی ایلروده اصلاح و اکمال نقصاننه براعت استهلال و اهل انصاف و مروت و خیر خواه دولت و ملت اولانلر عنندنه شمدیلک بو دخی اثر ترقی عدیله جای تشکر و ممنونیت اوله جقنی وارسته قید استدلالدر .

بر از وقتدنبرو کرک در سعادته و کرک ممالک محروسه نیک اکثر محالرنده علی العموم خلق غزتهلک فوائد و محسناتی فهم ایدرک کال خواهش و رغبتله مطالعه اولندیغندن بر مقتدر ذات طرفندن هر کون چیققی اوزره بیوجک قطعده بر منتظم غزته احداثه دخی همت بیورلسه ارتق مطبوعاً تبعه شمدیلک آرزو اولنه جق شی قالمز ایدی . اسکی وقتلرده جائز اوله ییلور ایسه ده شمدیکی زمانده پولیقه غزتهلرینه کوره سیرک چیققی یاقشق المز . بو مقوله غزتهلر شکوفه قیلندن اوله رقی مقبولیتی تازه لکی حالده . اولوب یوخسه تقویم پارینه کبی اعتباردن ساقط اولور . چونکه تفرافک حین ایجاددنبرو ممالک ییننده اولان مسافات محو و زائل و روی زمین بر شهر حکمنه داخل اولدیغندن خفایای الهیه دن اولان اشبو واسطه تجیه ایله بر قاج آیلق مسافده واقع محالردن آن واحده النان حوادث مهمه نیک غزته چیققیجه قدر بر قاج کونلر تأخیری آثار مدنیت حفظده بر نللم صریح اولدیغی

درکاردر۔ اوروپا پولیتھ غزملینک همان کافه سی هر کون چیققدن
بشقہ اکثریسی صباح و اخشام ایکی کرہ باصلور۔ فقط اشو مجموعه
فنون قیلندن اولان فنون وادیات غزملری اوبرلینہ مقبس اولوب
* این کلستان همیشه خوش باشد * مفادی اوزره دائماً تروتازه
و مطالعه سی هر وقت و حالده باعث فوائد بی اندازه اوله جفی اشکاردر۔

(منف)